

2017-imi aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip pingajussaaneerpeqarneranut

ILASSUTITUT ISUMALIUTISSIISUTAA

Ulloq 31. oktober 2016-imi inissitsiternerup kingorna ataatsimiititaliap ilaasortarai:

Inatsisartunut ilaasortaq Jens Immanuelson, Siumut, siulittaasoq

Inatsisartunut ilaasortaq Randi V. Evaldsen, Demokraatit, siulittaasup tullia

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Nikolaj Jeremiassen, Siumut

Inatsisartunut ilaasortaq Jess Svane, Siumut

Inatsisartunut ilaasortaq Ane Hansen, Inuit Ataqatigiit

Inatsisartunut ilaasortaq Bendt B. Kristiansen, Inuit Ataqatigiit

Imarisaanut nalunaarsuut:

1. Aallaqqaasiut.....	4
2. Aningaasaqarnermut Akileraartarnermullu Ataatsimiititaliap apeqqutai/oqaaseqaatai aalajangersimasut – suliassaqaqarfinnut agguataarlugit	6
3. Aningaasaliissutitut allannguutissatut siunnersuutit	6
3.1. Sammisaaq 13 – Pingajussaaneerinninnissamut teknikikkut allannguutit.....	7
3.2. Sammisaaq 14 – Pingajussaaneerinninnissamut missingersuutitut sunniuteqaangitsumik allannguutit.....	8
3.3. Sammisaaq 15 – Pingajussaaneerinninnissamut isertitaqarnerunissamik inatsisitigullu aningaasartuutitut pissussaaffigisanit naatsorsuutit nutaat.....	9
3.4 Sammisaaq 16 – Pingajussaaneerinninnissamut aningaasartuuteqarnerunissamik kissaatit	9
3.5 Sammisaaq 17 – Pingajussaaneerinninnissamut kontomi pingaarnermi 20.11.56-imi, Missingersuutitut atugassanngortitsineq, allaffissorneq.....	10
3.6 Sammisaaq 18 – Pingajussaaneerinninnissamut kontomi pingaarnermi 20.11.51-imi, Aaqqissuusseqqinnerit sunniutaat, atugassanngortitsineq.....	11
3.7 Sammisaaq 19 – Pingajussaaneerinninnissamut kontomi pingaarnermi 20.11.70-imi, Suliniutitut nutaanut, atugassanngortitsineq.....	12
3.8 Sammisaaq 20 – Suliassaqaqarfiit allanngorneri	13
3.9 Sammisaaq 21 – KNR nutaaq	13
3.10 Sammisaaq 22 – Sanaartugassanut Sanaartortitsinernullu Immikkoortortaqarfiup atorunnaarsinneqarnera	14
3.11 Sammisaaq 23 – Isumaginninnermut Aqutsisoqarfimmik pilersitsineq	14
3.12 Sammisaaq 24 – Qaasuitsup Kommuniata avinnera	15
3.13 Sammisaaq 25 – Aalisarnermut akuersissutitut tunniussisanermik tigusineq.....	16
4. Oqaasertaliussanut allannguutissatut siunnersuutit.....	16
4.1. Naalakkersuisut oqaasertaliussanut allannguutissatut siunnersuutaat.....	16
5. Aningaasaqarnermut Ataatsimiititaliap inassuteqaatai	18

Ilanngussanut takussutissiaq:

- G Aningaasaqarnermut Ataatsimiititaliap malitseqartitsissutitut 26. oktober 2016-imi apeq-qutaanut Naalakkersuisut akissutaat.
- H Aningaasaqarnermut Ataatsimiititaliap allannguutissatut siunnersuutitut 8. november 2016-imi apeqqutaanut Naalakkersuisut akissutaat.
- I Siunnersuutip pingajussaaneerneqarnissaanut Naalakkersuisut aningaasaliissutitut allan-guutissatut siunnersuutaat 19. november 2016-imeersut. (Allannguutissatut siunnersuutit nr. 101-251).
- J Siunnersuutip pingajussaaneerneqarnissaanut Naalakkersuisut oqaasertaliussanut allan-guutissatut siunnersuutaat 19. november 2016-imeersut. (Allannguutissatut siunnersuutit nr. 252-274).
- K Ataatsimiititaliat aningaasanut inatsisissatut siunnersuummut oqaaseqaataat. (Kalaallisut amigaataavoq).

1. Aallaqqaasiut

Aningaasanut inatsisissatut siunnersuut Inatsisartunit pingasunngornermi ulloq 15. november 2016-imi aappassaaneernezarpoq. Siunnersuummik aappassaaneerinninnermi siunnersuut Aningaasaqarnermut Akileraartarnermullu Ataatsimiititaliamit suliareqqitassanngorlugu innersuunezarpoq.

Inatsisartut aningaasanut inatsisissatut siunnersuummik aappassaaneerinninnerat tamatumalu peqatigisaanik Inatsisartut partiivinit isumaqatigiinniarnertit tunngavigalugit Naalakkersuisut allannguutissatut siunnersuutit 175-inik ulloq 19. november 2016-imi saqqummiussipput. Taakkunanga 151-it aningaasaliissutinut allannguutissatut siunnersuutaapput, tak. ilanngussaq I, 24-illu oqaasertaliussanut allannguutissatut siunnersuutaallutik, tak. ilanngussaq J.

Naalakkersuisut pingajussaaneerinninnissamut allannguutissatut siunnersuuteqarnerisigut ukiunut aggersunut sisamanut IS-imi amigartoorutissatut naatsorsuutigineqartut 144 mio. kr.-it missaannik amerleriarput aamma taamaappoq IST-mut tunngatillugu. Sanilliullugu piffissami pineqartumi amigartoorutissatut naatsorsuutigineqartut aappassaaneerinninnissamut allannguutissatut siunnersuutit kingunerisaannik 1 mio. kr.-it missaanniipput. Pingajussaaneerinninnissamut allannguutissatut siunnersuutit saqqummiunneqartut naapertorlugit attassisinnaanissamik pilersaarutit aammalu aningaasaqarnikkut imminut napatittumik ingerlajartuaarnissaq maannamut kinguartikkallarneqartutut isikkoqarput. Ataatsimiititaliap isumaa malillugu ukiut sisamat iluanni oqimaaqatigiittumik ingerlatsinissamik piumasaqaat aningaasaqarnikkut imminut napatittumik ingerlajartuaarnissami assut pingaarutilittut ilaavoq. Oqimaaqatigiittoqarnissaanik piumasaqaat piffissap taamaalinerani aningaasanut inatsisissatut siunnersuummi naammassineqaaqqalaaginnarmat ajornartorsiutitaqartutut Aningaasaqarnermut Siunnersuisoqatigiinnit isumaqarfigineqartoq ataatsimiititaliap siunnersuutit aappassaaneernezarnissaanut isumaliutissiissutaani allassimavoq. Aningaasaqarnikkut siuariarneq kingulleq aningaasaqarnikkut ineriartornerup aalajangiisuusumik illuatungaanut saanneratut isigineqassanngitsoq Siunnersuisoqatigiit isumaqarput.

Annertuumik amigartooruteqarneq qinigaaffimmi matumani taamaallaat pinnani aammali qinigaaffimmi tullermi aggersumi aningaasaqarnikkut siunissami anguniakkanut annertuumik unammillerfiusussaassasoq ataatsimiititaliap isumaqarpoq. Tassunga atatillugu ataatsimoortuumik pingaarnersiulluni tullerriaarisarnermik tunngaveqarnerup inuiaqatigiit aningaasaqarneranni nammanneqarsinnaasumik aningaasartuutit aqutsisoqarnissaanik qulakkeerinnittussap qimanneqarneratigut aarleqqutigineqarsinnaasut sakkortuumik isumaliutigeqqullugit Naalakkersuisut ataatsimiititaliamit kaammattorneqassapput.

Attassisinnaanermut siuariartornermullu pilersaarut aningaasaqarnikkut ingerlatsineq pillugu 2016-imi nalunaarutit ilaatut Naalakkersuisunit saqqummiunneqartoq ataatsimiititaliamit Naalakkersuisunut eqqumaffigeqquneqassaaq. Attassisinnaanermut siuariartornermullu pilersaarut attassisinnaanerup anguneqarnissaanut aammalu aningaasaqarnikkut imminut napatittumik

ingerlajartuaarnissap aallartinneqarnissaanut isummernissamut ataatsimoortumik tunngavis-siaavoq. Aaqqissuussaanikkut ajornartorsiutit tunngaviusut aaqqiivigineqarnissaannut, taamaa-lillunilu aaqqissuusseqqinnerit ingerlanneqarnissaannut tunngavissaqarnissamut siunnersuum-mik ataatsimoortumik peqalnera Aningaasaqarnermut Siunnersuisoqatigiinnit pitsaasutut isigineqarpoq. Tassunga atatillugu anguniakkat iliussissatullu nalunaarutit amerlasuut attassi-sinnaanermut siuariartornermullu pilersaarummiittut Naalakkersuisunit eqqaamaqqullugit ataatsimiititaliamit kaammattuutigineqassaaq.

Naalakkersuisut akissutaasa kalaallisuunngortinnerisa pitsaassusiat amerlasuutigut appassisso-rujussuusarpoq. Taamaattoqarnera ataatsimiititaliami sulinerup ingerlanniarnernanumt ajor-nakusoortitsivoq. Atortussat taama pitsaanngitsigitillugit suliat taama annertutigisut paasinia-rneranni taama annertutigisumik piffissaajarneq ataatsimiititaliamit naammaginangitsutut isi-gineqarpoq.

Ataatsimiititaliap isumaa malillugu ajornartorsiut tamanna uteqqiattuuvooq suliaasaqarfillu tamanna pingaaruteqaqisoq Naalakkersuisunit nukittorsarneqartariaqarpoq.

Tamanna tunngavigalugu aningaasanut inatsisissatut siunnersuutip Inatsisartunit pingajussaa-nerneqarnissaanut Aningaasaqarnermut Akileraartarnermullu Ataatsimiititaliaq matumuuna ilassutitut isumaliutissiissuteqarpoq.

1.1. Inatsisartut ataatsimiititaliaasa akuutinnerat

Ukiut siulii assigalugit aningaasanut inatsimmik suliarinninnermi Inatsisartut ataatsimiititaliaat Aningaasaqarnermut Ataatsimiititaliap akuutinniarsimavai. Tamanna tunngavigalugu ataatsi-miititaliap Naalakkersuisunut aallarniutaasumik apeqqutaasa taamatullu Naalakkersuisut akis-sutaasa assilineri Inatsisartut ataatsimiititaliaannut ataatsimiititaliamit nassiuunneqarput. Anin-gaasanut inatsisissatut siunnersuutitut saqqummiunneqartup naliliiffiginissaanut taama periar-fissinneqarneq Sanaartornermut Ataatsimiititaliamit ilassilluarneqarpoq. Akissutilli taassuma suliarinissaa inatsisissatut siunnersuutip pingajussaaneerneqarnissaanut isumaliutissiissute-qarnissaq sioqqullugu ataatsimiititaliamit ajoraluartumik angumerineqarsinnasimangilaq. Sanaartornermut Ataatsimiititaliap isummersuutaat ilanngussaq K-mut ilanngunneqarput.

1.2 Allanguutissatut siunnersuutit

Inatsisartut aningaasanut inatsisissatut siunnersuummik aappassaaneerinninnerat tamatumalu peqatigisaanik Inatsisartut partiivinut isumaqatigiinniarnernit tunngavigalugit Naalakkersuisut allanguutissatut siunnersuutit 175-inik ulloq 19. november 2016-imi saqqummiussipput. Taakkunanga 151-it aningaasaliissutinut allanguutissatut siunnersuutaapput, tak. ilanngussaq I, 24-illu oqaasertaliussanut allanguutissatut siunnersuutaallutik, tak. ilanngussaq J.

AIS2017-ip appassaaneerneqarnerani pingajussaaneerneqarneranilu IST-p IS-illu inerneranut sunniutissat tamarmiusut takussutissiami matuma kingulianiittumi takutinneqarput. Malugeq-quneqarpoq sinneqartoorutit saaminni minusimik nalunaarneqarmata.

Aningaasat mio. kr.-inngorlugit.	2017	2018	2019	2020
AIS2017-imi IST-p inertera	35,1	15,1	-56,5	11,4
AIS2017-imi IS-ip inertera	-33,0	27,4	-36,2	41,7
Aappassaaneerinninnermi allannguutissatut siunnersuutit IST-p inerneranut sunniutaat	-24,8	-14,3	17,9	22,1
Aappassaaneerinninnermi IST-p inertera	10,3	0,76	-38,5	33,6
Aappassaaneerinninnermi IS-p inertera	-57,8	13,1	-18,2	63,9
Pingajussaaneerinninnermi allannguutissatut siunnersuutit IST-p inerneranut sunniutaat	36,1	42,0	32,2	33,7
Pingajussaaneerinninnermi IST-p inertera	46,4	42,8	-6,3	67,3
Pingajussaaneerinninnermi IS-p inertera	-21,7	55,1	13,9	97,6

Takussutissiami siuliani allassimasut naapertorlugit allannguutissatut siunnersuutit saqqummiunneqarnermittut akuerineqassappata aappassaaneerinninnissamut pingajussaaneerinninnissamullu allannguutissatut siunnersuutit ilanngullugit 2017-imut aningaasanut inatsisip inertera tassaassaaq IS-mi 21,7 mio. kr.-inik 2017-imi sinneqartooruteqarneq. Piffissaq 2017-2020 tamaat isigalugu IS 144,9 mio. kr.-inik amigartoorfiussaaq aammalu IST 150,2 mio. kr.-inik amigartoorfiussalluni.

2. Aningaasaqarnermut Akileraartarnermullu Ataatsimiititaliap apeqqutai/oqaaseqaatai aalajangersimasut – suliassaqarfinnut agguataarlugit

Naalakkersuisut allannguutissatut siunnersuutaat allat siuliani taaneqartut aammalu ataatsimiititaliat apeqqutaannut Naalakkersuisut akissutaat kiisalu aningaasanut inatsisissatut siunnersuummut oqaaseqaataat tunngavigalugit paasissutissanik annertunerusunik pissarsinissaq ataatsimiititaliamit pisariaqartinneqarsimangilaq.

3. Aningaasaliissutinut allannguutissatut siunnersuutit

Siusinnerusukkut taaneqareersutut Naalakkersuisut aningaasaliissutinut allannguutissatut siunnersuutit nutaanik 151-inik aammalu oqaasertaliussanut allannguutissatut siunnersuutit 24-

nik saqqummiussipput. Taamaalillunilu pingajussaaneerinninnissamut allannguutissatut siunnersuutit katillutik 175-iupput.

Pingajussaaneerinninnissamut aningaasaliissutinut allannguutissatut siunnersuutit sammisanut ukununnga immikkoortinneqarsimapput:

- sammisaq 13: Pingajussaaneerinninnissamut teknikikkut allannguutit: allannguutissatut siunnersuutit 5-t
- sammisaq 14: Pingajussaaneerinninnissamut missingersuutinut sunniuteqanngitsumik allannguutit: allannguutissatut siunnersuutit 10-t
- sammisaq 15: Pingajussaaneerinninnissamut isertitaqarnerunissamik inatsisitigullu aningaasartuutinit pissusaaffigisanit naatsorsuutit nutaat: allannguutissatut siunnersuutit 6-t
- sammisaq 16: Pingajussaaneerinninnissamut aningaasartuuteqarnerunissamik kissaatit: allannguutissatut siunnersuutit 9-it
- sammisaq 17: Pingajussaaneerinninnissamut kontomi pingaarnermi 20.11.56-imi, Missingersuutininik iluarsineq, allaffissorneq, atugassanngortitsineq: allannguutissatut siunnersuutit 43-t
- sammisaq 18: Pingajussaaneerinninnissamut kontomi pingaarnermi 20.11.51-imi, Aaqquisusseqqinnerit sunniutaat, atugassanngortitsineq: allannguutissatut siunnersuutit 5-t
- sammisaq 19: Pingajussaaneerinninnissamut kontomi pingaarnermi 20.11.70-imi, Suliniutinut nutaanut sillimmatit, atugassanngortitsineq: allannguutissatut siunnersuutit 5-t
- sammisaq 20: Suliassaqarfiit allanngorneri: allannguutissatut siunnersuutit 51-it
- sammisaq 21: KNR nutaaq: allannguutissatut siunnersuut 1
- sammisaq 22: Sanaartugassanut Sanaartortitsinernullu Immikkoortortaqaqfiup atorunnaarsinneqarnera: allannguutissatut siunnersuutit 10-t
- sammisaq 23: Isumaginninnermut Aqutsisoqarfimmik pilersitsineq: allannguutissatut siunnersuutit marluk.
- sammisaq 24: Qaasuitsup Kommuniata avinnera: allannguutissatut siunnersuutit marluk.
- sammisaq 25: Aalisarnermut akuersissutinik tunniussisarnermik tigusineq: allannguutissatut siunnersuutit marluk.

Allannguutissatut siunnersuutit tamarmik Naalackersuisunit saqqummiunneqarput. Aningaasaliissutinut takussutissiaq Naalackersuisut allannguutissatut siunnersuutaannut saarlينngorlugu ilanngunneqarpoq, taannalu ilassutitut isumaliutissiisummut ilanngussaq I-tut ilanngunneqarpoq.

3.1. Sammisaq 13 – Pingajussaaneerinninnissamut teknikikkut allannguutit

Qulequttami tassani allannguutissatut siunnersuutininik 5-inik Naalackersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2017-imi ukuiunilu missingersuusiorfiusuni IST-mut sunniuteqassanngillat.

Konto pingaarnermi 64.10.27-mi, Inuusutissarsiutit ineriartortinnerinut pilerisaarinernullu suliniutinut tunngasumi, missingersuutinut ilanngussap oqaasertai allanngortinneqassasut ilaatigut siunnersuutigineqarpoq, tamatuma kingunerissallu puisit amii pillugit siusinnerusukkt nittarsaassinerup "Inuit Sila"-p assinganik nittarsaassinissamik suliniuteqaleqqinneq. Puisit amiinik tunisassiat suminngaanneernerannut nalunaaqutsersuisarnermik aaqquissuussineq pillugu Nunavumik suleqateqarnissamut periarfissat suliniuteqarnermi misissorneqassapput.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 13-ip ataani allannguutissatut siunnersuutit nr. 101-imit 105-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

3.2. Sammissaq 14 – Pingajussaaneerinninnissamut missingersuutinut sunniuteqanngitsumik allannguutit

Qulequttami tassani allannguutissatut siunnersuutinik 10-nik Naalackersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2017-imi ukiunilu missingersuusiorfiusuni IST-mut sunniuteqassanngillat.

Konto pingaarnermi 87.72.22-mi, Nunaqarfinni isorliunerusunilu inissialiortiternermut pilersaarummut tunngasumi, aningaasaliissutit kommuninut ataatsimoortumik tapiissutinut nuunneqassasut ilaatigut siunnersuutigineqarpoq. Aaqquissuussaannikkut allannguinerup kingorna kommuninut suliaassanik tunniussinissap Naalackersuisunit pingaarnersuiiffigineqarnerata ilaatut tamanna pissaaq.

Aammattaaq Majoriap ataani ilinniartunut tapiissutit tunniunneqartarnerat Inuusutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfimmi konto pingaarnermut nutaamut 64.13.27-mut, Majoriap ataani ilinniartunut tapiissutinut tunngasumi, nuunneqassasut siunnersuutigineqarpoq. Suliassaqarfimmut nutaamik nalunaarusiorneq tunngavigalugu taamaaliortoqarpoq.

Kiisalu aalisartunut piniartunullu siunnersorteqarfiup isumagineqarnerata KNAPK-mut uterteqqinneqarnissaa siunnersuutigineqarpoq. Suliassaq taanna Aalisarnermut Piniarnermullu Naalackersuisoqarfimmit 2016-imi isumagineqalerpoq.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 14-ip ataani allannguutissatut siunnersuutit nr. 106-imit 115-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

3.3. Sammisag 15 – Pingajussaaneerinninnissamut isertitaqarnerunissamik inatsisitigullu aningaasartuutinit pissussaaffigisanit naatsorsuutit nutaat

Qulequttami tassani allannguutissatut siunnersuutinik 6-inik IST-p inerneranut 2017-imi 0,6 mio. kr.-inik ukiunilu missingersuusiorfiusuni 2,6 mio. kr.-inik pitsanngoriaataasussanik Naalakkersuisut saqqummiussipput.

Konto pingaarnermi 20-10.22-mi, Isertitanut allanut tunngasumi, isertitassatut missingikkat 2017-imi 8 mio. kr.-inik amerlineqarnissaat siunnersuutigineqarpoq. Aningaasat konto pingaarnep 66.01.05-ip, Pisortatigoortumik suliarinninnernut isertitatigut matussusikkanut tunngasup, ataani uninngasuutinit pissarsiarineqassapput. Aammattaaq akitsuutinit arlalinnit isertitatu aningaasaliissutit annikinnerusumik qaffanneqarnissaat kiisalu piginnaanngorsaaqqinnermut aningaasaliissutini aningaasartuutissatut missingikkat qaffanneqarnissaat qinnutigineqarpoq. Aammattaaq konto pingaarnermi 51.02.02-mi, Aalisarsinnaatitaassutinik tunisinnermut tunngasumi, isertitassatut missingikkat 2017-imi 17 mio. kr.-inik 2018-imilu 11 mio. kr.-inik ikilisinneqarnissaat siunnersuutigineqarpoq. Pisassiissutaasinnaasutut annertussutsit isumaqatigiissummut tapiliussaq januar 2016-imit 21. december 2020-mut atuuttumiittut Kalaallit Nunaata EU-mut neqeroortugisinnaassagai naatsorsuutigineqanngimmat isertitassat ikilisinneqarput.

Allannguutissatut siunnersuutinit ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 15-ip ataani allannguutissatut siunnersuutit nr. 116-imit 121-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

3.4 Sammisag 16 – Pingajussaaneerinninnissamut aningaasartuuteqarnerunissamik kisaatit

Qulequttami tassani allannguutissatut siunnersuutinik 9-nik Naalakkersuisut saqqummiussipput, IST-p inerneranut 2017-imi 28,651 mio. kr.-inik, 2018-imi 32,4 mio. kr.-inik aammalu 2019-imi 2020-milu 26,5 mio. kr.-inik ajorseriaataasussanik.

Naalakkersuisut Siulittaasuata saniatigut Naalakkersuisunut ilaasortat qulingiluanngorlugit amerlineqarnerisa kingunerisaanik aningaasanik immikkoortitsinissaq siunnersuutigineqarpoq. Kiisalu naalakkersuisooqatigiit katitigaanerisa allanngornerata kinguneraa 2017-imi ilaasortaa-junnaarnersianut aningaasartuuteqarnissamik pisariaqartitsisoqalernera.

Aammattaaq naalakkersuisooqatigiilersut suliniutinut pingaarnersiugaannut nutaanut aningaasanik imikkoortitsinissaq siunnersuutigineqarpoq. Tamatumani assersuutigalugu pineqarput namminiilivinnissamut immikkoortortaq, inatsisinut tunngaviusunut allattoqarfimmik pilersitsineq aammalu aallarteqqinnissamut tapiissuteqartarnermut aningaasaliissuteqartaleqqinneq.

Meeqqat atugaasa pitsaanerulernissaat qulakkeerniarlugu DIN-imi meeqqanut immikkoortotamik arfineq pingasunik siniffilimmik pilersitsinissamut konto pingaarnermi 34.11.03-mi, Dronning Ingridip Napparsimmavissuanut tunngasumi, 2017-imi 8, 3 mio. kr.-inik 2018-imi 13,0 mio. kr.-inik immikkut ittumik immikkoortitsisoqarnissaa siunnersuutigineqarpoq. Aammattaaq 2017-imi aningaasaliissutinit 1,0 mio. kr.-it 2018-imilu 1,5 mio. kr.-it imminut toqoriartunut imminullu toqunniarlutik sakkortuumik eqqarsaatersuuteqartunut malitseqartitsissutitut oqaloqatiginnittarnissamut tarnip pissusaanik ilisimasalimmik isiginnaarut atorlugu nakorsiartitsisartumik aammalu tarnip pissusaanik ilisimasalimmik atorfinitsitsinissamut atorneqasapput. Konto pingaarnermut 72.20.05-imut, Ilaasunik angallassinermut tapiissutitut tunngasumut, 2017-imi 4,1 mio. kr.-inik aammalu 2018-imit ukiumoortumik 3,6 mio. kr.-inik immikkoortitsinissaq siunnersuutigineqarpoq, taamaalilluni ilaasunik angallassinermut kiffartuus-sinissamik isumaqatigiissutitut nutaanut ilassutitut isumaqatigiissusiornissamut ukiumut 22 mio. kr.-erluinnarnik immikkoortitsisoqassalluni.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Demokraatit paasivaat allannguutissatut siunnersuut taanna ukiut tulliuuttut sisamat ingerlaneranni amigartooruteqarnerup malunnaatilimmik annertuseriarneranik ataatsimut kinguneqartussaq Naalakkersuisunit aningaasalersorneqarsimanngitsoq. Taamatut tulleriiarineq Demokraatinit illersorneqarsinnaanngilaq akuerineqarsinnaanngitsutullu isigineqarluni. Siunnersuutit aningaasalersugaanngitsut Demokraatinit taperserneqanngillat, taamaattumillu allannguutissatut siunnersuut una itigartinneqassasoq inassutigineqarpoq.

Sammissaq 16-ip ataani allannguutissatut siunnersuutit nr. 122-mit 130-mut **akuerineqassasut** Ataatsimiititaliami amerlanerussuteqartut Siumup Inuit Ataqtigiillu ilaasortaataannit **inassutigineqarpoq.**

Sammissaq 16-ip ataani allannguutissatut siunnersuutit nr. 122-mit 130-mut **itigartinneqassasut** Ataatsimiititaliami ikinnerussuteqartut Demokraatit ilaasortaataannit **inassutigineqarpoq.**

3.5 Sammissaq 17 – Pingajussaaneerinninnissamut kontomi pingaarnermi 20.11.56-imi, Missingersuutininik atugassanngortitsineq, allaffissorneq

Qulequttami tassani allannguutissatut siunnersuutininik 43-nik Naalakkersuisut saqqummiussipput. Allannguutissatut siunnersuutit taakku IST-p inerneranut 2017-imi 0,3 mio. kr.-inik pitsanngoriaataassapput, 2018-imi 0,1 mio. kr.-inik, 2019-imi 0,2 mio. kr.-inik ajorseriaataassallutik kiisalu 2020-mi missingersuutitut sunniuteqassanatik.

2017-imi missingersuutitut iluarsiiisutit 3,75 mio. kr.-it 2020-mi 5,0 mio. kr.-inut qaffakkiaartuutut atugassiissutigineqarnissaat siunnersuutigineqarpoq. Tassunga atatillugu konto pin-

gaarnerup 24.01.01-ip, Akileraartarnermut Aqutsisoqarfimmut tunngasup, ataani 2017-imi 0,5 mio. kr.-inik 2020-mi 1,25 mio. kr.-inik qaffakkiartuaartunik sipaaruteqartoqassaaq. Tamatuma kinguneraa tamanna pillugu AI2016-imi ilanngunneqartunut sanilliullugu suliniummut 'Allakanit digitalikkut allagarsisarnissamut ikaarsaarneq' atugassiissutigineqartut amerleriarnerat. Aammattaaq konto pingaarnermut 40.91.03-mut, Pikkorissartitsinernut tunngasumut, aningaasaliissutit ukiumoortumik 1,7 mio. kr.-inik ikileneqassasut siunnersuutigineqarpoq. Tamatumunnga pissutaavoq aningaasaliissutit atuinikinneruffiunerat. Sipaarutit sinneruttut tassaapput aningaasaliissutinik naalakkersuisoqarfinit il.il. tulleriiariffigineqartunik annikinnerusumik iluarsiiisuteqarneq.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Pisortat ingerlatsinerata annertusineqarnissaa Demokraatinit kissaatigineqanngilaq – aamma isumaqarpugut Naalakkersuisunut ilaasortat qulinngortinneqarnissaannik aalajangerneq inuiaqatigiit aningaasaataannik kukkusumik tulleriiarinerusoq. Taama annertusisitsineq inuiaqatigiinnut akisuupilussuussaaq aningaasallu taakku inuiaqatigiinnut atorneqarsimasinnaagaluarput. Naalakkersuisut nutaat socialistiusut naalakkersuisunngorniariartut pisortat ingerlatsinerannik annertusisitsineq eqqarsarnartoqartut Demokraatinit isigineqarpoq.

Sammissaq 17-ip ataani allannguutissatut siunnersuutit nr. 131-mit 173-imut **akuerineqassasut** Ataatsimiititaliami amerlanerussuteqartut Siumup Inuit Ataqtatigiillu ilaasortaataannit **inassutigineqarpoq.**

Sammissaq 17-ip ataani allannguutissatut siunnersuutit nr. 131-mit 173-imut **itigartinneqassasut** Ataatsimiititaliami ikinnerussuteqartut Demokraatit ilaasortaataannit **inassutigineqarpoq.**

3.6 Sammissaq 18 – Pingajussaaneerinninnissamut kontomi pingaarnermi 20.11.51-imi, Aaqqissuusseqqinnerit sunniutaat, atugassanngorfitsineq

Qulequttami tassani allannguutissatut siunnersuutinik 5-inik Naalakkersuisut saqqummiussipput. Allannguutissatut siunnersuutit taakku IST-p inerneranut aningaasanut inatsiseqarfiusumi 2017-imi 2,2 mio. kr.-inik, 2018-imi 2019-imilu 5,4 mio. kr.-inik, aammalu 2020-mi 3,7 mio. kr.-inik pitsanngoriaataassapput.

UKA2016-imi immikkoortoq 19-imi soraarnerussutisiaqarnissamut aaqqissuusineranut pinngitsoorani ilaanissaq pillugu Inatsisartut inatsisaata nutaap aningaasaqarnikkut kingunerisassaanut AIS2017-imi aningaasat immikkoortinneqartut atugassiissutigineqarnissaat siunnersuutigineqarpoq. Atugassiissutiginnikkut Kalaallit Nunaanni il.il. soraarnerussutisiaqarnissamut aki-liutit qaffariarnerat pissutigalugu kommunit akileraarutinit iluanaarutissatut annaasaat atugas-

siissutiginninnikkut taarsiissuteqarfigineqarput. Siunnersuut missingersuutininut annikinnerusumik pitsanngoriaataassaaq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Ingerlatseqatigiiffiit akileraarutaannik appartitsinissamik pilersaarutit taamaatinneqarnerannik imaqartumik allannguutissatut siunnersuummik Naalakkersuisut saqqummiussippot – tamanna akuersaarneqarsinnaanngitsutut isigaarput. Appartitsisoqarneratigut nunatsinni suliffeqarfiit angisuut mikinerillu isertitaqarnerulersussaagaluarput amerlanerusunik sulisoqalernerumut, aningaasaliinernut aammalu inuiaqatigiit siuariartornissaannut atorneqartussanik. Ingerlatseqatigiiffiit akileraarutaannik appartitsinissaq Demokraatit pingaartilluinnagaraat aammalu appartitsinissamik pilersaarutit imaaliiallaannaq peerneqarnerat akuersaarsinnaanngilluinnarparput.

Sammissaq 18-ip ataani allannguutissatut siunnersuutit nr. 174-imit 178-imut **akuerineqassasut** Ataatsimiititaliami amerlanerussuteqartut Siumup Inuit Ataqaatigiillu ilaasortaatitaannit **inassutigineqarpoq.**

Sammissaq 18-ip ataani allannguutissatut siunnersuutit nr. 174-imit 178-imut **itigartinneqassasut** Ataatsimiititaliami ikinnerussuteqartut Demokraatit ilaasortaatitaannit **inassutigineqarpoq.**

3.7 Sammissaq 19 – Pingajussaaneerinninnissamut kontomi pingaarnermi 20.11.70-imi, Suliniutinut nutaanut, atugassanngortitsineq

Qulequttami tassani allannguutissatut siunnersuutininik 5-inik Naalakkersuisut saqqummiussippot. Allannguutissatut siunnersuutit taakku ukiumi aningaasanut inatsiseqarfiusumi 2017-imi ukiunilu missingersuusiorfiusuni IST-mut sunniuteqassanngillat.

Qimminut akiuussutissanik kapuuisarnermut pilersaarummut kiisalu missingersuusiornermut inatsimmut, AIS2017-ip pingajussaaneernejarnerani aamma pingajussaaneernejartussamut, akuerineqartussatut naatsorsuutigineqartumut AIS2017-imi aningaasat immikkoortinneqartut atugassiissutigineqarnissaat siunnersuutigineqarpoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 19-ip ataani allannguutissatut siunnersuutit nr. 179-imit 183-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq.**

3.8 Sammisag 20 – Suliassa qarfiit allanngorneri

Qulequttami tassani allannguutissatut siunnersuutini 51-inik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2017-imi ukiunilu missingersuusiorfiusuni IST-mut sunniuteqassanngillat.

Nutaanik naalakkersuisooqatigiiliortoqarnerani oqartussaaffinnik allannguinerit tunngavigalugit allannguutissatut siunnersuutini arlalinnik saqqummiussisoqarpoq. Nunamut namminerimut, nukissiuitinut nunalerinermullu suliassa qarfimmu aningaasaliissutit nuunneqarnerat pineqarpoq. Aammattaaq Asiamut Digitaliseeriinermullu Aqutsisoqarfimmu aningaasaliissutit nuunneqarput. Allannguutissatut siunnersuutit missingersuutinut sunniuteqassanngillat aammalu naalakkersuisoqarfiit akornanni suliassa qarfiit pillugit isumaqatigiissutigineqartut tunngavigalugit saqqummiunneqarlutik.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Pisortat ingerlatsinerata annertusineqarnissaa Demokratitit kissaatigineqanngilaq – aamma isumaqarpugut Naalakkersuisunut ilaasortat qulinngortinneqarnissaannik aalajangerneq inuiaqatigiit aningaasaataannik kukkusumik tulleriarinerusoq. Taama annertusisitsineq inuiaqatigiinnut akisuupilussuussaaq aningaasallu taakku inuiaqatigiinnut atorneqarsimasinnaagaluarpud. Naalakkersuisut nutaat socialistiusut naalakkersuisunngorniaritartut pisortat ingerlatsinerannik annertusisitsineq eqqarsarnartoqartut Demokratitit isigineqarpoq.

Sammisag 20-ip ataani allannguutissatut siunnersuutit nr. 184-imit 234-mut **akuerineqassasut** Ataatsimiititaliami amerlanerussuteqartut Siumup Inuit Ataqatigiillu ilaasortaataannit **inassutigineqarpoq**.

Sammisag 20-ip ataani allannguutissatut siunnersuutit nr. 184-imit 234-mut **itigartinneqassasut** Ataatsimiititaliami ikinnerussuteqartut Demokratitit ilaasortaataannit **inassutigineqarpoq**.

3.9 Sammisag 21 – KNR nutaaq

Qulequttami tassani allannguutissatut siunnersuummik ataatsimik Naalakkersuisut saqqummiussipput. Allannguutissatut siunnersuutit taanna ukiumi aningaasanut inatsiseqarfiusumi 2017-imi ukiunilu missingersuusiorfiusumi IST-mut sunniuteqassanngilaq.

KNR-ip illutassaata nutaap sananeqarnissaanut 2017-imi 7 mio. kr.-it immikkoortinneqartut konto pingaarnemut 84.40.16-imit, Kultureqarnermut sanaartukkanut tunngasumit, peerneqarnissaat qinnutigineqarpoq. Konto pingaarnemut 40.94.17-imut, Kalaallit Nunaata Radioanut tunngasumut, oqaasertaliussamik nr. 1-imik ilanngussinissaq pillugu allannguutissatut siun-

nersuutip imarisaa naapertorlugu KNR-ip illutassaanut nutaamut aningaasalersueriaasissamik nassaarniarluni sulineq ingerlasoq paasissutissiissutigineqarpoq. Allannguutissatut siunnersuuteqartoqarneratigut suliniummot aningaasaliissutinit atorneqanngitsut 55 mio. kr.-erluinnaat uninngasuutigineqarput. KNR-ip illutassaanik nutaamik sanaartornissaq annertuumik qularuteqarluni 110 aamma 140 mio. kr.-it akornanni akeqartussatut pilersaarusioneqartoq pillugu Illuut A/S-imik isumaqatigiissutissami aningaasat taakku ilaatinneqarnissaat naatsorsuutigineqarpoq.

Allannguutissatut siunnersuummut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 21-p ataani allannguutissatut siunnersuut nr. 235 **akuerineqassasoq** Aningaasaqarnermut Akileraartarnermullu Ataatsimiititaliamit **inassutigineqarpoq**.

3.10 Sammissaq 22 – Sanaartugassanut Sanaartortitsinernullu Immikkoortortaqaqarfiup atorunnaarsinneqarnera

Qulequttami tassani allannguutissatut siunnersuutinik 10-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2017-imi ukiunilu missingersuusiorfiusuni IST-mut sunniuteqassanngillat.

Konto pingaarnerup 70.01.04-p, Sanaartornermi aqutsinermut suliniutinullu aningaasartuutitut tunngasup, ataani sanaartugassanut sanaartortitsinernullu immikkoortortaqaq atorunnaarsinneqassasoq aammalu sulisut naalakkersuisoqarfinnut il.il. sanaartugassanik suliaqartunut nuunneqassasut siunnersuutigineqarpoq. Tassunga atatillugu Naalakkersuisut – Suliassaqaqarfik 10-89-imut oqaasertaliussaq nr. 7-imik ilanngussinissaq pillugu allannguutissatut siunnersuut inner-suussutigineqarpoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 22-ip ataani allannguutissatut siunnersuutit nr. 236-mit 245-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

3.11 Sammissaq 23 – Isumaginninnermut Aqutsisoqarfimmik pilersitsineq

Qulequttami tassani allannguutissatut siunnersuutinik 2-nik Naalakkersuisut saqqummiussipput. Allannguutissatut siunnersuutit taakku IST-p inerneranut 2017-imi 10,3 mio. kr.-inik, 2018-imi 9,3 mio. kr.-inik aammalu 2019-imi 2020-milu 8,3 mio. kr.-inik ajorseriaataassapput.

Isumaginninnermut, Ilaqutariinnut, Naligiissitaanermut Inatsisinillu atortitsinermut Naalakkersuisoqarfip ataani isumaginninnermut aqutsisoqarfimmik pilersitsinissaq pillugu allannguu-

tissatut siunnersuummik saqqummiussisoqarnissaa naatsorsuutigineqartoq AIS2017-ip aappasaaaneerpeqarneranut akissuteqaammi allassimavoq. Taamaattumillu isumaginninnermut aqutsisoqarfik pilersinneqassasoq siunnersuutigineqarpoq, tamatumalu kinguneraa isumaginninnermut ilaqutariinnermullu suliassaqaqfimmi ingerlatsinnermut tunngasut naalackersuisoqarfimmit aqutsisoqarfimmut nuunneqarnissaat.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Isumaginninnermut Aqutsisoqarfimmi pilersitsisoqarneratigut inuiaqatigiinni ajornartorsiutit annertoqisut aaqinneqarnaviannngitsut Demokraatit isumaqarput. Aningaasat katsorsaanerut suliniuteqaarnermullu ingerlatsinnermik tunngaveqanngitsunut atorneqarsinnaasimagaluartut pilersitsinnermut atussavavut. Suliassaqaqfik naalackersuisoqarfimmit aqutsisoqarfimmut nuunneqaannassaaq – tamannalu pisariaqanngitsutut isigaarput, tassa ajornartorsiut suliallu ullumi suliarineqartartut assigiinnassammatigit.

Sammissaq 23-p ataani allannguutissatut siunnersuutit nr. 246-mit 247-mut **akuerineqassasut** Ataatsimiititaliami amerlanerussuteqartut Siumup Inuit Ataqaqatigiillu ilaasortaataannit **inassutigineqarpoq**.

Sammissaq 23-p ataani allannguutissatut siunnersuutit nr. 246-mit 247-mut **itigartinneqassasut** Ataatsimiititaliami ikinnerussuteqartut Demokraatit ilaasortaataannit **inassutigineqarpoq**.

3.12 Sammissaq 24 – Qaasuitsup Kommuniata avinnera

Qulequttami tassani allannguutissatut siunnersuutit 2-nik Naalackersuisut saqqummiussipput. Allannguutissatut siunnersuutit taakku IST-p innerneranut ukiumi aningaasanut inatsiseqarfiusumi 2017-imi 5,5 mio. kr.-inik 2018-imi 3 mio. kr.-inik ajorseriaataassapput kiisalu 2019-imi 2020-imi IST-mut sunniuteqassanatik.

Kommuninut ataatsimoortumik tapiissutitut aningaasaliissutit 2017-imi 5 mio. kr.-inik 2018-imi 3 mio. kr.-inik amerlineqassasut siunnersuutigineqarpoq. Kommunip avinneqarneranut kommunip aningaasartuutaanut aningaasalersuutissatut aningaasat taakku Qaasuitsup Kommunianut tunniunneqassapput. Inatsisissatut siunnersuummut Inatsisinut Ataatsimiititaliap isumaliutissiissutaani inassuteqaatit kingunerisaannik siunertamut aningaasaliisoqarpoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Qaasuitsup Kommuniata avinneqarnissaanik innuttaasut kissaateqarnerat Demokraatinit ataqineqarpoq. Innuttaasulli sunarpiaq angersimanerlugu ilisimaneraat apeqquserujussuarparput.

Maannami Qaasuitsup Kommuniusoq kommuninut qassinut avinneqassanersoq innuttaasunit taasissutigineqarsimangilaq aammalu avitsinerup aningaasaqarnikkut kingunerisassai pillugit innuttaasut saqqummiussiffigineqarsimanatik. Ilisimavarpulli Qaasuitsup Kommuniani kommunalbestyrelsi isumaqatigiittoq Naalakkersuisunut saaffiginnissuteqartoq kommunip marlunnut avinneqarnissaanik qinnuteqarluni. Kommunip avinneqarnissaanik kissaateqarneq manna tikillugu paasissutissanik tunngaveqarluni pisimangitsoq isumaqarpugut. Innuttaasut tusarniarneqassasut tusarniarneqartariaqartullu Demokraatit isumaqarput, suliamili matumani taamaattoqarsimangilaq.

Sammissaq 24-p ataani allannguutissatut siunnersuutit nr. 248-mit 249-mut **akuerineqassasut** Ataatsimiititaliami amerlanerussuteqartut Siumup Inuit Ataqaatigiillu ilaasortaatitaannit **inassutigineqarpoq**.

Sammissaq 24-p ataani allannguutissatut siunnersuutit nr. 248-mit 249-mut **itigartinneqassasut** Ataatsimiititaliami ikinnerussuteqartut Demokraatit ilaasortaatitaannit **inassutigineqarpoq**.

3.13 Sammissaq 25 – Aalisarnermut akuersissutinik tunniussisanermik tigusineq

Qulequttami tassani allannguutissatut siunnersuutinik 2-nik Naalakkersuisut saqqummiussipput. Allannguutissatut siunnersuutit taakku IST-p inerneranut 2017-imi 0,5 mio. kr.-inik ajorseriaa-taassapput kiisalu ukiuni missingersuusiorfiusuni IST-mut sunniuteqassanatik.

Kommuninut ataatsimoortumik tapiissutinut aningaasaliissutit 2017-imi 0,5 mio. kr.-inik amerlineqassasut siunnersuutigineqarpoq. Aalisarsinnaanermut akuersissutinik tunniussisarnerup Aalisarnermut Piniarnermullu Naalakkersuisoqarfimmit (APN) kommuninut nuunneqarnerata kingunerisaanik aningaasaliissutit amerlineqarput. APN-imut aningaasaliissutit 2018-imit 0,5 mio. kr.-inik ikilineqarnerat suliassaqarfimmut aqutsinerup nuunneqarnerani APN-ip aningaa-sartuutaasartunit sipaarutaasussatut missingiigallarnermik tunngaveqarput.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 25-p ataani allannguutissatut siunnersuutit nr. 250-imit 251-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

4. Oqaasertaliussanut allannguutissatut siunnersuutit

4.1. Naalakkersuisut oqaasertaliussanut allannguutissatut siunnersuutaat

Naalakkersuisut katillugu 24-nik oqaasertaliussanut allannguutissatut siunnersuuteqarput. Allannguutissatut siunnersuutit taakku 252-imit 275-imut normoqarput. Oqaasertaliussanut allannguutissatut siunnersuutit aningaasanut inatsisissatut siunnersuummi *Ilanngussaq 2*-mut attuummassuteqarput. Taakku isumaliutissiissummi **ilanngussaq J**-tut ilanngunneqarput.

Oqartussaaffinnik allanngueqqammerneq allannguutissatut siunnersuuteqarnermik kinguneqarpoq. Allannguutissatut siunnersuutit sammisaq 21 aamma 22-mi matuma siulianiittuni taaneqartut saniatigut allannguutissatut siunnersuutip pingaarutillip imaraa Nuummi Blok 11-mit 17-imut illuutunik piginnittuunermut uppersaatinik Illuut A/S-imit utertitsinissamut Naalakkersuisunut piginnaatitsissut. Taamaalilluni suliaasaqarfik tamanna Namminersorlutik Oqartus-sat ineqarnermut immikkoortumut pilersaarutaannut ilanngunneqarsinnaanngussaaq. Oqaasertaliussamut nassuiaatit naapertorlugit tamanna aningaasanut inatsimmi aningaasaliissutinut sunniuteqassanngilaq.

Aammattaaq suliaasaqarfik 80-89-imut sanaartugassanut iluarsagassanullu tunngasumut oqaasertaliussamik nutaamik nr. 9-mik ilanngussinissaq siunnersuutigineqarpoq, taanna oqaasertaliussamut AIS2017-ip aappassaaneerineqarnerani allannguutissatut siunnersuutip nr. 100-p ataani akuerineqartumut taartaassaaq. Illoqarfinni ilinniartoqarfiusuni inissianik 500-t tikillugit amerlassuseqartunik ilinniartut ineqarfiitut atorneqartussanik piginneqatigiilluni inissianik pilersitsinissamut taarsiullugu sanaartornissamut Illuut A/S-ip aningaasalersueriaatsit atorneqarnissaanik kissaateqarneq oqaasertaliussamik nutaamik pingajussaaneerinninnermut saqqummiussinermi tunngavigineqarpoq, tamatumalu ingerlanneqarnissaanut Naalakkersuisut oqaasertaliussakkut piginnaatinnearput.

Kiisalu siunertamut kontomut 51.07-imut, Inuussutissarsiutinut tapersiisarnermut (ESU) tunngasumut, oqaasertaliussamik ilanngussisoqarnissaa siunnersuutigineqarpoq, tassani qinnuteqartoq Kommune Kujallermi najugaqarpat umiatsiaaqqanut inuussutissarsiutitut atorneqartussanut pissarsinermi akip 84 %-ianik tapiissuteqarnissamut Naalakkersuisut piginnaatinneqassallutik. Ullumikkut 75 %-it tapiissutigineqartarput. Taamaalilluni qinnuteqartut Kommune Kujallermi najugallit qinnuteqartunut Qaanaap, Ammassaliup Ittoqqortoormiillu eqqaanni najugaqartunut naligiissinneqassapput.

Oqaasertaliussanut allannguutissatut siunnersuutit nr. 252-imit 275-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

5. Aningaasaqarnermut Ataatsimiititaliap inassuteqaatai

Sammissaq 13-ip ataani allannguutissatut siunnersuutit nr. 101-imit 105-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq.**

Sammissaq 14-ip ataani allannguutissatut siunnersuutit nr. 106-imit 115-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq.**

Sammissaq 15-ip ataani allannguutissatut siunnersuutit nr. 116-imit 121-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq.**

Sammissaq 16-ip ataani allannguutissatut siunnersuutit nr. 122-mit 130-mut **akuerineqassasut** Ataatsimiititaliami amerlanerussuteqartut Siumup Inuit Ataqatigiillu ilaasortaatitaannit **inassutigineqarpoq.**

Sammissaq 16-ip ataani allannguutissatut siunnersuutit nr. 122-mit 130-mut **itigartinneqassasut** Ataatsimiititaliami ikinnerussuteqartut Demokraatit ilaasortaatitaannit **inassutigineqarpoq.**

Sammissaq 17-ip ataani allannguutissatut siunnersuutit nr. 131-mit 173-imut **akuerineqassasut** Ataatsimiititaliami amerlanerussuteqartut Siumup Inuit Ataqatigiillu ilaasortaatitaannit **inassutigineqarpoq.**

Sammissaq 17-ip ataani allannguutissatut siunnersuutit nr. 131-mit 173-imut **itigartinneqassasut** Ataatsimiititaliami ikinnerussuteqartut Demokraatit ilaasortaatitaannit **inassutigineqarpoq.**

Sammissaq 18-ip ataani allannguutissatut siunnersuutit nr. 174-imit 178-imut **akuerineqassasut** Ataatsimiititaliami amerlanerussuteqartut Siumup Inuit Ataqatigiillu ilaasortaatitaannit **inassutigineqarpoq.**

Sammissaq 18-ip ataani allannguutissatut siunnersuutit nr. 174-imit 178-imut **itigartinneqassasut** Ataatsimiititaliami ikinnerussuteqartut Demokraatit ilaasortaatitaannit **inassutigineqarpoq.**

Sammissaq 19-ip ataani allannguutissatut siunnersuutit nr. 179-imit 183-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq.**

Sammissaq 20-ip ataani allannguutissatut siunnersuutit nr. 184-imit 234-mut **akuerineqassasut** Ataatsimiititaliami amerlanerussuteqartut Siumup Inuit Ataqatigiillu ilaasortaatitaannit **inassutigineqarpoq.**

Sammissaq 20-ip ataani allannguutissatut siunnersuutit nr. 184-imit 234-mut **itigartinneqassasut** Ataatsimiititaliami ikinnerussuteqartut Demokraatit ilaasortaatitaannit **inassutigineqarpoq.**

Sammissaq 21-ip ataani allannguutissatut siunnersuut nr. 235 **akuerineqassasoq** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 22-ip ataani allannguutissatut siunnersuutit nr. 236-mit 245-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 23-p ataani allannguutissatut siunnersuutit nr. 246-mit 247-mut **akuerineqassasut** Ataatsimiititaliami amerlanerussuteqartut Siumup Inuit Ataqatigiillu ilaasortaataannit **inassutigineqarpoq**.

Sammissaq 23-p ataani allannguutissatut siunnersuutit nr. 246-mit 247-mut **itigartinneqassasut** Ataatsimiititaliami ikinnerussuteqartut Demokraatit ilaasortaataannit **inassutigineqarpoq**.

Sammissaq 24-p ataani allannguutissatut siunnersuutit nr. 248-mit 249-mut **akuerineqassasut** Ataatsimiititaliami amerlanerussuteqartut Siumup Inuit Ataqatigiillu ilaasortaataannit **inassutigineqarpoq**.

Sammissaq 24-p ataani allannguutissatut siunnersuutit nr. 248-mit 249-mut **itigartinneqassasut** Ataatsimiititaliami ikinnerussuteqartut Demokraatit ilaasortaataannit **inassutigineqarpoq**.

Sammissaq 25-p ataani allannguutissatut siunnersuutit nr. 250-imit 251-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Oqaasertaliussanut allannguutissatut siunnersuutit nr. 252-imit 275-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Allannguutissatut siunnersuutit pingajussaaneerinninnissamut saqqummiunneqartut Inatsisartunit taasissutigineqareerneranni inatsisissatut siunnersuut tamarmiusoq iluserilikkamisut iluseqartoq **akuerineqassasoq** Ataatsimiititaliami amerlanerussuteqartut Siumup Inuit Ataqatigiillu ilaasortaataannit **inassutigineqarpoq**.

Aningaasaqarnermut Akileraartarnermullu Ataatsimiititaliami ikinnerussuteqartut Demokraatit ilaasortaataasa ikinnerussuteqarluni oqaaseqaat imaattoq saqqummiuppaat:

Amerlanerussuteqartut socialistiusut aammalu naalakkersuisooqatigiit socialistiusut aningaasanik taama sukkatigisumik atuisinnaammata Demokratinit tupaallaatigilaarparput. Aningaasat pigingisavut. Tassunga ilanngunneqassaaq Kalaallit Nunaata nunatut namminiilivinnissaa naalakkersuisooqatigiit anguniagaralugu oqaatigimmassuk. Imminnut ataqatigiinngillat.

Aningaasanut inatsisissatut siunnersuut taamani Aningaasaqarnermut Naalakkersuisuusumit (Randi Vestergaard Evaldsen, Demokraatit) saqqummiunneqarmat 2017-imi 33 millioner koruunit sinneqartoorutaasussaapput aammalu piffissaq 2017 - 2020 oqimaaqatigiiffiusussanngorlugu ukiut aggersut aningaasaqarnikkut akisussaassuseqartumik pilersaaruteqarfigineqarput.

Oktoberimi socialistiusut pissaanermik tigusimmata assiliaq allarlunnaq uatsinnut saqqummiunneqarpoq.

Ukioq manna sinneqartoorutissat 22 millioner koruunit inulaaginnalersimavaat, naak isertitassatut missingikkat 55 millioner koruuninik amerlineqarsimagaluartut.


Piffissamut 2017-2020-mut angusassat oqimaaqatigiiffiusussat amigartoornerujussuanngorput, tassa 145 millioner koruuninik. Ingasappallaarujussuarpoq.

Tamatuma saniatigut ilanngunneqassaaq ingerlatseqatigiiffiit akileraarutaannik appartitsinissamik pilersaarutaareersut Naalakkersuisunit atorunnaarsinniarneqarnerat Demokraatinit akueri-neqarsinnaanngimmat. Ingerlatseqatigiiffiit akileraarutaannik appaanerup kingunerisussaagaluarpa suliffeqarfitta nunaqavissunit pigineqartut aningaasanik isertitaqarnerulernerat, tamatuma kingorna siuariartortitsinissaq suliffinnillu pilersitsinissaq siunertaralugit aningaasalersuutitut atorneqarsinnaasunik. Ingerlatseqatigiiffiit akileraarutaannik appartitsinngitsoornerup aamma kingunerissavaa suliffeqarfiit nunanit allaneersut nunatsinnukartinniarnersa ajornarnerulernerat. Ingerlatseqatigiiffiit akileraarutaannik appartitsinissaq Demokraatit pingaartilluinnagaraat aammalu appartitsinissamik pilersaarutit imaaliallaannaq peerneqarnerat akuersaarsinnaanngilluinnarparput.

Taama oqaaseqarluta 2017-imi aningaasanut inatsisissatut siunnersuut itigartinneqassasoq inassutigaarput.

Allannguutissatut siunnersuutit pingajussaaneerinninnissamut saqqummiunneqartut Inatsisartunit taasissutigineqareerneranni inatsisissatut siunnersuut tamarmiusoq iluserilikkamisut iluseqartoq **itigartinneqassasoq** Ataatsimiititaliami ikinnerussuteqartut Demokraatit ilaasortaa-titaannit **inassutigineqarpoq**.

Taama oqaaseqarluni aningaasanut inatsisissatut siunnersuut Aningaasaqarnermut Akileraar-
tarnermullu Ataatsimiititaliap Inatsisartunut pingajussaaniigassanngortippaa.




Jens Immanuel, Siulittaasoq




Randi V. Evaldsen



Peter Olsen



Nikolaj Jeremiassen



Jess Svane



Ane Hansen



Bendt B. Kristiansen